



*«Նոր ժամանակի կրթություն» ՀԿ*

*ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑ*

*ԱՎԱՐՏԱԿԱՆ ՀԵՏԱԶՈՏԱԿԱՆ  
ԱՇԽԱՏԱՆՔ*

*Հետազոտության թեման՝ Սովորողների հետ ինքնուրույն  
աշխատանքների կազմակերպման ձևերը. ինքնաստուգում  
ինքնավերահսկում*

*Առարկան՝ Ռուսաց լեզու*

*Հետազոտող ուսուցիչ՝ Գալստյան Գայանե*

*Ուսումնական հաստատություն՝ Օձունի թիվ 1 միջն. դպրոց*

*Երևան 2022*

## ՎԵՐԱՊԱՏՐԱՍՏՄԱՆ ԴԱՍԸՆԹԱՑ 2022

### ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

#### Բովանդակություն

1. Ներածություն: Հետազոտության նպատակները, խնդիրները:
2. Ինչպիսի՞ ուղիներով է հնարավոր արդյունավետ կազմակերպել ինքնուրույն աշխատանքները սովորողների հետ:
3. Ինչպե՞ս իրականացնել ինքնաստուգում և ինքնավերահսկում :
4. Եզրակացություն:
5. Օգտագործված գրականության ցանկ:

### **1.Ներածություն: Հետազոտության նպատակները,խնդիրները:**

Ինքնուրույն աշխատանքի կազմակերպման ի՞նչ ուղիներ կարող ենք օգտագործել սովորողների հետ:Ինչպե՞ս իրականացնել ինքնագնահատում և ինքնավերահսկում դպրոցում:

Աշխատանքի նպատակն է սահմանել այն ուղիները,արժեքավոր մտքերը, գաղափարները, որոնք այսօր կարելի է արդյունավետ կիրառել դպրոցում ինքնուրույն աշխատանքները կազմակերպելու,ինքնագնահատում և ինքնավերահսկողություն իրականացնելու համար:

Հետազոտության խնդիրն է՝

- 1.Բնութագրել աշակերտների ինքնուրույն գործունեության նպատակը դպրոցում:
- 2.Բնութագրել աշակերտների ինքնուրույն գործունեության կազմակերպման ձևերը:
- 3.Ներկայացնել աշակերտների ինքնուրույն աշխատանքների դասակարգման հատկանիշները :

Դպրոցականների ուսուցման գործընթացում մեծ դեր ու նշանակություն ունի ինքնուրույն աշխատանքը: Ինքնուրույն աշխատանքը դիտարկվում է որպես ուսուցման միջոց:Աշակերտների ինքնուրույն գործունեությունը կարևոր է ինչպես դպրոցում, այնպես էլ կյանքի բոլոր բնագավառներում: Ողջ կյանքի ընթացքում սովորողների ինքնուրույն աշխատանքի ընթացքում են զարգանում գիտելիքների յուրացման գործընթացն իրականացնող ճանաչողական կարողություններն ու հմտությունները: Ինքնուրույն գործունեության նպատակը նոր սերնդին կյանքին, աշխատանքին նախապատրաստելն է: Ինքնուրույն գործունեության նպատակը բոլոր ժամանակներում որոշվում է հասարակական պահանջներով, գիտատեխնիկական առաջընթացի զարգացումով, մանկավարժության տեսության և

պրակտիկայի զարգացման մակարդակով, ուսումնական հաստատություններով և ուսուցիչների զարգացման մակարդակով: Փորձենք բնութագրել սովորողների

2

ինքնուրույն աշխատանքի կազմակերպման մի քանի նախապայմաններ: Առաջին՝ դիտարկում ենք ուսուցչի կողմից իր մասնագիտական առարկաներից սովորողի համար մշակված ինքնուրույն աշխատանքի թեմատիկան: Սովորողի ինքնուրույն աշխատանքի այս համակարգի մշակումը կնպաստի այդ աշխատանքի կատարելագործմանը; Դրա համար անհրաժեշտ է՝

-զարգացնել սովորողների մոտիվացիան, հետաքրքրությունն ուսման նկատմամբ և այն դիտել որպես գիտելիքների յուրացման միջոց,

-սովորողներին զինել ինքնուրույն աշխատանք կատարելու համար անհրաժեշտ կարողություններով ու հմտություններով,

- համակարգված օգնություն ցույց տալ սովորողի կատարելիք աշխատանքին,

-կատարելագործել ինքնուրույն աշխատանքի կազմակերպումը:

Սովորողի ինքնուրույն աշխատանքը չի տա ցանկալի արդյունք, եթե այն չվերահսկվի, քանի որ ուսուցման արդյունավետությունը կախված է ոչ միայն սովորողի իմացական գործունեության բնույթից, այդ գործունեության կառավարման որակից, այլև վերահսկման բնույթից և նրա նկատմամբ սովորողների ունեցած վերաբերմունքից: Ինքնուրույն աշխատանքը բավականին մեծ դեր ու նշանակություն ունի: Ինքնուրույն է համարվում այն աշխատանքը, որի ընթացքում սովորողները պարզորոշ պատկերացնում են աշխատանքի նպատակը, դրա կատարման կարգը և կատարում են այն՝ առանց ուսուցչի անմիջական մասնակցության: Ինքնուրույն աշխատանքը դիտարկվում է որպես ուսուցման միջոց: Ինքնուրույն աշխատանքի անցկացումն ունի որոշակի առանձնահատկություններ: Ուսուցիչները հաճախ կիրառում են աշակերտների ակտիվությունը խթանող հնարներ: Անկասկած, այդ

հնարների կիրառմամբ նրանք սովորեցնում են աշակերտներին ինքնուրույն աշխատել, բայց այն դեռ ինքնուրույն աշխատանք չէ: Նախ տեսնենք, թե ինչ են ներկայացնում «ինքնուրույնություն» և «ինքնուրույն աշխատանք»

### 3

արտահայտությունները: Ինքնուրույնությունն անհատի անձնային որակ է, իսկ ինքնուրույն աշխատանքը՝ ուսումնական աշխատանքի ձև: Ինքնուրույնության և ինքնուրույն աշխատանքի միջև գոյություն ունի սերտ կապ: Ինքնուրույն աշխատանքը մի կողմից արդեն ձեռքբերված ինքնուրույնության արտահայտումն է, մյուս կողմից՝ ինքնուրույնության զարգացմանը նպաստող միջոց: Այսինքն՝ ինքնուրույն աշխատանքը նպաստում է ինքնուրույնության ձևավորմանը՝ որպես անհատի որակ: Ինքնուրույն աշխատանքները զարգացնում են սովորողների տրամաբանությունը, ճանաչողությունն ու ակտիվությունը:

Կարելի է ասել, որ ինչպես դպրոցում, այնպես էլ ողջ կյանքի ընթացքում սովորողների ինքնուրույն աշխատանքի ընթացքում են զարգանում գիտելիքների յուրացման գործընթացն իրականացնող ճանաչողական կարողություններն ու հմտությունները:

Դասերի ընթացքում գերակշռում է ուսուցման ճակատային ձևը, երբ աշակերտների գործողությունները հիմնականում կախված են ուսուցչի անմիջական հրահանգներից: Այդ գործողությունները հիմնականում կատարվում են գրատախտակի մոտ: Այսպիսի գործողությունները արգելակում են երեխաների զարգացումը, և արդեն V դասարանում սովորողները հայտնվում են անօգնական վիճակում՝ գրքի շուրջ իրականացվող ինքնուրույն աշխատանքի, առաջադրանքների ինքնուրույն լուծման, ստեղծագործական բնույթի աշխատանքների կատարման ընթացքում: Առաջադրանքների ծավալը նրա ուժերից վեր է դառնում, աշխատանքի տեմպը՝ դանդաղ:

Ինքնուրույն աշխատանքի հմտությունները չեն ծագում իրենք իրենց, դրանք անհրաժեշտ է ձևավորել և դրանում հսկայական դեր ունի ուսուցիչը: Երեխաների ինքնուրույնությունը զարգանում է աստիճանաբար,

դաստիարակվում է դասից դաս, դասարանից դասարան: Ինքնուրույն աշխատանքի համակարգված կազմակերպմամբ հնարավոր է հասնել այն քանին, որ երեխաները ճկուն և խորը յուրացնեն հասկացությունները,

4

օրինաչափությունները, դաստիարակել նորը ճանաչելու ցանկություն և զարգացնել այն կարողությունները, որոնք պարտադիր են ինքնակրթության և ինքնակատարելագործման համար<sup>1</sup>:

Որո՞նք են աշակերտների ինքնուրույն աշխատանքի կազմակերպման ձևերը:

-Ճիշտ կազմակերպված ինքնուրույն աշխատանքը պարբերաբար անցկացնելով՝ սովորողներն առավել խորը և ճկուն գիտելիքներ են ձեռք բերում, քան ուսուցչի կողմից պատրաստի գիտելիքների հաղորդման դեպքում:

-Ըստ դիդակտիկական նպատակի և բովանդակության տարատեսակ ինքնուրույն աշխատանքների կազմակերպումը նպաստում է սովորողների ճանաչողական և ստեղծագործական ունակությունների, մտածողության զարգացմանը:

-Ինքնուրույն աշխատանքի անցկացումն ըստ մանրամասն մշակված մեթոդիկայի՝ արագացնում է սովորողների գործնական կարողությունների և հմտությունների ձևավորումը, իսկ այն իր հերթին դրականորեն է ազդում ճանաչողական կարողությունների և հմտությունների ձևավորման վրա:

-Ժամանակի ընթացքում դասերին ինքնուրույն աշխատանքի պարբերաբար կազմակերպման և տրված առարկայից տրվող տնային աշխատանքների բազմազան տեսակների հետ դրա համապատասխանեցման դեպքում մշակվում են ինքնուրույն աշխատելու հիմնարար կարողությունները:

Այսպիսով, վերը գրվածից պարզ է դառնում, թե որքան մեծ նշանակություն ունի ինքնուրույն աշխատանքը դպրոցականների ուսուցման գործընթացում: Ինքնուրույն աշխատանք ծավալելու կարողության ձևավորումը

հնարավոր է իրականացնել սովորողների ինքնուրույն գործունեության արդյունավետ կազմակերպման միջոցով:

1.Տե'ս Հակոբյան Ն., Գևորգյան Ս. և ուրիշներ, Մանկավարժական հաղորդակցում, ուսումնամեթոդական ձեռնարկ, Երևան, 2010, էջ 63-64:

5

**2.Ինչպիսի՞ ուղիներով է հնարավոր արդյունավետ կազմակերպել ինքնուրույն աշխատանքները սովորողների հետ:**

Ինչպես ցույց են տվել ուսումնասիրությունները, սովորողների ինքնուրույն աշխատանքն ունի որոշակի կառուցվածք: Այն իր մեջ ներառում է որոշակի փուլեր.

1. կազմակերպչական. Սա երեխաների աշխատանքային միջավայրի նախապատրաստումն է:
2. հուշաթերթիկների բաշխում, որոնք անհրաժեշտ կլինեն աշխատանքի ընթացքում: Աշխատանքային միջավայրի նախապատրաստումը կարևորագույն պայման է արդյունավետ ինքնուրույն աշխատանքի կազմակերպման համար:
3. նախապատրաստական. Այս փուլում ուսուցիչը սովորեցնում կամ մեկ անգամ ևս հիշեցնում է երեխաներին հանգիստ նստել, շխանգարել իրենց ընկերներին, պահպանել լռություն և կարգուկանոն, ուշադիր աշխատել, ինքնաստուգում կատարել և այլն, այսինքն՝ այն ամենը, ինչը կապահովի աշխատանքի արդյունավետությունը:
4. կողմնորոշիչ. Այս փուլում ուսուցիչը սովորեցնում է առաջադրանքի բովանդակությունը: Նա ստանալով առաջադրանք՝ ընթերցում կամ վերընթերցում է պայմանը, դիտարկում է առարկան կամ գծագիրը, ընթերցում է տեքստը և այլն: Այս փուլի ընթացքում սովորողն իմաստավորում է առաջադրանքը, առանձնացնում է, թե ինչ է տրված, թե ինչ պետք է իմանալ կամ կատարել, ինչպիսի գիտելիքներ և գործողություններ են պահանջվում աշխատանքի

կատարման համար: Երեխաները ծանոթանում են հուշաթերթիկի բովանդակությանը: Բացի դրանից, այս փուլում ուսուցիչը կարող է բաշխել աշխատանքի պլանը: Պլանը կարելի է գրառել նաև գրատախտակին: Գրատախտակին փակցվում են նաև թեմայի շուրջ մշակված պաստառները, սխեմաները և այլն: Այս փուլում ձևավորվում է ուսումնական

## 6

աշխատանք ծավալելու կարևորագույն կարողություններից մեկը՝ աշխատանքի համար կարևոր նյութեր ընտրելու կարողությունը:

5. հիմնական փուլ. Այս փուլում կատարվում է ինքնուրույն աշխատանքը:

6. ամփոփիչ փուլ. Այս փուլում կատարվում է անդրադարձ: Ուսուցիչը գնահատում է, քննարկում, վերլուծում ամբողջ դասարանի աշխատանքի ընթացքը, արդյունքները:

Նպատակահարմար է առաջադրանքի կատարման ստուգման համար առանձնացնել ևս մեկ կառուցվածքային ստուգիչ փուլ, որի ընթացքում աշակերտը կատարելով առաջադրանքը՝ ինքն իր սեփական նախաձեռնությամբ ստուգում է իր աշխատանքը և գնահատում այն, այսինքն՝ իրականացնում է ինքնաստուգում և ինքնավերահսկում: Կազմակերպելով սովորողների ինքնուրույն աշխատանքը՝ ուսուցիչը պետք է կարողանա պատասխանել հետևյալ հարցերին.

-Տվյալ ուսումնական նյութի ուսումնասիրման գործընթացի որ փուլում է նպատակահարմար կազմակերպել ինքնուրույն աշխատանքը,

-ինքնուրույն աշխատանքի ինչ տիպ է անհրաժեշտ ընտրել և կիրառել գիտելիքների յուրացման տվյալ փուլում:

Ինքնուրույն աշխատանքի կազմակերպումն ու անցկացումը պահանջում է հատուկ մոտեցում: Այդ պատճառով անհրաժեշտ է մանրամասն մշակել դասի պլանը, որոշել ինքնուրույն աշխատանքի տեղը դասի ընթացքում, բովանդակությունը, դրա կազմակերպման ձևերն ու մեթոդները: Միայն այս դեպքում ինքնուրույն



աշխատանքը արդյունավետ կընթանա: Ընդ որում, մանկավարժը պետք է նախատեսի աշխատանքի բարդության մակարդակը, ծավալը, հնարավոր սխալները, դժվարությունները, որոնք կարող են ծագել այդ աշխատանքի կատարման ընթացքում: Ինքնուրույն աշխատանքի կազմակերպման ընթացքում անհրաժեշտ է մտորել նաև սովորողներին ցուցաբերվող օգնության և ստուգման

7

ձևերի մասին: Ինքնուրույն աշխատանքի կազմակերպման նպատակով անհրաժեշտ է կիրառել բազմազան մեթոդական հնարներ: Դրանք նպաստում են արագ յուրացնել գործողությունների որոշակի հաջորդականություն կատարելու և սեփական գործունեությունը կազմակերպելու համար անհրաժեշտ կարողությունները: Ինքնուրույն աշխատելու կարողությունները մշակվում են նպատակաուղղված վարժությունների և աստիճանաբար բարդացող առաջադրանքների միջոցով: Մինչ ինքնուրույն աշխատանքի համար առաջադրանքներ տալը, այդ առաջադրանքների տեսակները յուրացվում են նախապես ուսուցչի հետ միասին կատարվող աշխատանքների միջոցով: Այնուհետև առաջադրանքների այս կամ այն մասը կատարում են աշակերտները, և , վերջապես, նրանք հնարավորություն են ստանում ամբողջ առաջադրանքը կատարել ինքնուրույն: Ուսուցիչը պետք է որոշի առաջադրանքների տեսակը, դրա տեղը դասի ընթացքում, բացատրի նպատակը և կատարման քայլերի հաջորդականությունը, հետևի սովորողների աշխատանքին՝ անհրաժեշտության դեպքում ցուցաբերելով օգնություն առանձին աշակերտներին: Աշխատանքի ստուգումը ևս կատարվում է ուսուցչի ղեկավարությամբ: Վերջինս արդյունքների քննարկմանը մասնակից է դարձնում ամբողջ դասարանին: Դիտարկենք ,թե ինքնուրույն աշխատանքի ի՞նչ տեսակներ կարելի է կիրառել դպրոցում: Ինքնուրույն աշխատանքի հիմնական տեսակները կարելի է դասակարգել ըստ մի քանի հատկանիշների, որոնք միևնույն ինքնուրույն աշխատանքը բնութագրում են տարբեր տեսանկյուններից: Ստորև ներկայացնենք ինքնուրույն աշխատանքի տեսակները.

1. Հիմնարար գիտելիքների կրկնության և նոր նյութի ընկալմանը նախապատրաստող

2.Նոր նյութի ուսումնասիրությանը նպաստող

3.Գիտելիքները համակարգող

4.Որոշակի կարողություններ զարգացնող

8

5.Ստուգող, վերահսկող:

Կրթության բարելավման հարցերը մշտապես գտնվել են բոլոր զարգացած երկրների ուշադրության կենտրոնում: Բարելավման միջոցներից է ինքնուրույն աշխատանքների արդյունավետ կիրառումը: Աշակերտների ինքնուրույն աշխատանքը առաջին հերթին նրանց ինքնուրույն մտածողությունն է, որը դրսևորվում է աշակերտակենտրոն, արդյունավետ ուսուցման ավանդական և ժամանակակից մեթոդների կիրառության ժամանակ: Ի՞նչ ընդհանրացում կարող էք կատարել: Առաջադրանքը կատարելիս հետևություններ են անում՝ նախ անհատապես աշխատելով, ապա ստուգում են իրենց ստացած արդյունքը:

Այսպիսով, եզրակացնում ենք, որ դպրոցի հիմնական խնդիրն ուսումնական գործունեություն իրականացնելուն ունակ (սովորելու կարողություն ունեցող) երեխայի ձևավորումն է: Դրան հասնելու արդյունավետ ուղիներից մեկն ինքնուրույն աշխատելու կարողության ձևավորումն է: Ավելի հաճախ սովորողների ինքնուրույն աշխատանքը օգտագործվում է դասարանում վարժությունների կամ խնդիրների լուծման ժամանակ, քանի որ միայն այդպես կարելի է ամբողջ դասարանին նախապատրաստել տնային աշխատանքների արդյունավետ ու հաջող կատարմանը: Նկատենք, որ ինքնուրույն աշխատանքի կատարմանն այդ դեպքում նախորդում է ուսուցչի կողմից նմուշային վարժությունների կամ խնդիրների լուծումը: Ինքնուրույն աշխատանքների ժամանակ ուսուցիչը չպետք է աչքաթող անի թույլ սովորողներին, ամեն կերպ ինքը կամ էլ խմբային աշխատանքի ժամանակ խմբի ուժեղ աշակերտներից մեկը պետք է աջակցի նրանց՝ կազմակերպելու վերջիններիս ինքնուրույն աշխատանքը: Ինքնուրույն աշխատանքների մի շատ կարևոր ու օգտակար տեսակ է բանավոր վարժությունների լուծումը: Դրանք ունեն

դիդակտիկական մեծ նշանակություն, քանի որ նպաստում են աշակերտների գիտելիքների գիտակցաբար, խորը և ամուր յուրացմանը, նրանց ինքնուրույն և ստեղծագործական մտածողության ձևավորմանը:

9

### **3. Ինչպե՞ս իրականացնել ինքնագնահատում և ինքնավերահսկում :**

Ի՞նչ ենք հասկանում «ինքնագնահատում» «ինքնավերահսկում» ասելով: Գնահատումը սովորողների ուսումնական գործունեության վերաբերյալ տեղեկատվություն ստանալու, կուտակելու, վերլուծելու և դրա հիման վրա հանրակրթության իրականացման բովանդակային, կազմակերպական արդյունքներն ի հայտ բերելու և վերահսկելու գործընթացն է, իսկ գնահատման նպատակը գիտելիքների, կարողությունների և հմտությունների, արժեհամակարգի տիրապետման և անձնային առաջընթացի որակի վերահսկումն է: Ըստ Դ.Բ.Էլկոնինի՝ արդյունավետ ուսումնական գործունեության հիմնական առանձնահատկությունն այն է, որ աշակերտը փոխում է ինքն իրեն: Սա նշանակում է, որ դպրոցականն անտարբեր չէ իր գործունեության նկատմամբ, գիտակցում է գիտելիքներ ստանալու կարևորությունը, կարողանում է պարզ ենթադրություններ կատարել և փաստարկներ գտնել դրանց հիմնավորման ու ապացուցման համար, վերլուծում է իր գործունեությունը, գնահատում է հաջողությունները, որոշում է անհաջողությունների կամ սխալների պատճառները և փորձում դրանք ուղղել: Բայց դա հնարավոր է, եթե ձևավորվում է ուսումնական գործունեություն ծավալելու աշակերտի կարողությունը, և նա դառնում է ուսուցման գործընթացի սուբյեկտ: Աշակերտին սովորել են սովորեցնում, երբ նա ուսուցման արդյունքների հարցում զգում է անձնական պատասխանատվություն, ունի ինքնակրթության և ինքնագարգացման, ինքնագնահատման կարողություններ: Ուսուցիչը պետք է գնահատման որոշակի չափանիշներ, կողմնորոշիչներ ներկայացնի երեխային, որի արդյունքում նա կկարողանա գնահատել սեփական աշխատանքի արդյունքները: Խոսելով ինքնագնահատականի մասին՝ պետք է նշել, որ երեխան հիմնականում դպրոց է գալիս բարձրացված ինքնագնահատականով: Ընդհանրապես, երեխայի

կողմից բարձր է գնահատվում այն աշխատանքը, որն արագ է արվում, որի վրա ինքը շատ ջանքեր է ծախսում՝ հաճախ անտեսելով ստացած արդյունքը: Ի դեպ՝ դպրոցականն ավելի քննադատաբար է մոտենում ընկերների աշխատանքին՝ բարձր արժևորելով սեփական աշխատանքը: Հարկավոր է հասնել նրան, որ երեխան գնահատի ոչ միայն իր աշխատանքի վերջնարդյունքը, այլև իր ուսումնական գործունեության ողջ գործընթացը:

10

Ուսումնական գործունեության կառուցվածքում առանձնահատուկ տեղ է զբաղեցնում վերահսկողության գործողությունը, որն ունի հատուկ գործառույթներ. այն ամրագրում է սովորողների վերաբերմունքն առարկայի նկատմամբ: Ինքնակառավարումը հոգեբանական տերմին է, որը ենթադրում է սեփական գործողություններն ու զգացմունքները կառավարելու կարողություն: Ըստ Դ.Բ. Էլկոնինի, դա վերահսկողության գործողությունն է, որը բնութագրում է ողջ կրթական գործունեությունը որպես կամայական գործընթաց, որը վերահսկվում է հենց երեխայի կողմից: Ուսումնական գործունեության կամայականությունը որոշվում է ոչ այնքան ինչ-որ բան անելու մտադրության ամկայությամբ և սովորելու ցանկությամբ, այլ մոդելին համապատասխան գործողությունների կատարման վերահսկմամբ: Այդ իսկ պատճառով ուսուցման խնդրի լուծման գործընթացում հսկողության գործողությանը տրվում է հատուկ նշանակություն: Ուսուցման գործընթացում ինքնավերահսկում իրականացնելու տարբեր եղանակներ կան, այն է՝

1. Վերահսկում ըստ արդյունքի կամ, այսպես կոչված, վերջնական վերահսկողության (սա ինքնավերահսկման սկզբնական և ամենապարզ ձևն է, որը յուրացնում են սովորողները: Նրա գործառույթը արդյունքը տվյալ նմուշի հետ համեմատելն է, այսինքն՝ կատարվում է ստուգում: Ստուգման գործընթացում երեխաները համոզվում են, որ պատասխանը բավարարում է բոլոր նախնական պայմաններին, հակառակ դեպքում լուծումը սխալ է):

2.. Քայլ առ քայլ կամ ըստ մոդելի : Այս եղանակի գործառույթը կատարվող գործողությունների ամբողջականությունը, ճշտությունը և հաջորդականությունը

բացահայտելն է: Վերահսկողության այս տեսակն առաջին հերթին սովորողների ուշադրությունը հրավիրում է այն բանի վրա, թե ինչպես են նրանք իրականացնում գործողությունը:

3. Նախնական (կանխատեսող) հսկողություն՝ աշակերտին որպես գործունեության առարկա հնարավորություն է տալիս կանխատեսել դեռևս չկատարված

11

գործողության արդյունքները: Վերահսկողության համակարգն ուղղված է սովորողների ռեֆլեքսիվ, տարբերակված, գիտակից, կայուն, համարժեք ինքնատիրապետման զարգացմանը: Այս համակարգը կարող է բերել ցանկալի արդյունքների, եթե ուսուցիչները հետևեն անվտանգության երկու հիմնական կանոններին երեխաների ինքնավերահսկման հետ կապված.

1. Նրանք անընդհատ նկատի կունենան, որ երեխաների ինքնավերահսկումն ապահով զարգանում է միայն դրական ընդհանուր վերահսկողության ամուր հիմքի վրա:

2. Զարգացնելով ինքնավերահսկման հմտությունները, ձգտելով դրանք դարձնել ավելի գիտակից, կայուն՝ մեծահասակները կկարողանան զերծ մնալ ավելորդ ոգևորությունից:

Ինքնավերահսկման ուսումնական գործունեությունը անցնում է ձևավորման մի քանի փուլով.

1. Մոտիվացիոն և ցուցիչ,

2. Գործառնական և գործադիր,

3. Վերջնական:

Մոտիվացիոն և ցուցիչ ինքնավերահսկման եղանակի դեպքում սովորողներին պետք է սովորեցնել ինքնավերահսկման և ուսումնական գործունեության

ինքնագնահատման, գնահատման գործունեության զարգացում: Գործառնական և պլանավորման ինքնավերահսկման և ինքնագնահատման ունակության ձևավորման արդյունքում դպրոցականները տիրապետում են գնահատման առարկան որոշելու և ընկալելու, սխալները վերլուծելու կարողությանը: Վերջնական արդյունքում կատարվում է կանխատեսված և ստացված արդյունքները համեմատելու հմտությունների ձևավորում, հաջողությունների և ձախողումների պատճառների վերլուծություն:

12

Այսպիսով, եզրակացնում ենք, որ ինքնուրույն աշխատանք կատարելիս մեծ նշանակություն ունի ինքնավերահսկումը, քանի որ դրա իրականացման փուլերը կարող է վերահսկել միայն ինքը՝ կատարողը: Ցանկացած աշխատանք չի կարող կատարվել առանց ինքնավերահսկման: Ինքնավերահսկողությունը սովորողները պետք է կատարեն թե տանը, թե դպրոցում: Ինքնավերահսկման հմտությունների զարգացումն անհնար է առանց այնպիսի մտավոր որակների զարգացման, ինչպիսիք են ուշադրությունը, երևակայությունը, կամքը, մտածողությունը և հիշողությունը: Ուստի դասապրոցեսի ընթացքում նպատակահարմար է օգտագործել առաջադրանքներ դրանց ձևավորման և կատարելագործման համար: Ինքնավերահսկողությունն ուղղված է գործունեության արդյունքին և միայն աստիճանաբար զարգանում է բուն գործունեության ընթացքը վերահսկելու ունակությունը: Ինքնավերահսկողությունը փոխում է նաև վերահսկվող գործողությունների բովանդակությունը:

#### **4. Եզրակացություն:**

Այսպիսով, եկանք եզրակացության, որ մանկավարժական գրականության մեջ 18-րդ դարի վերջից սովորողին ինքնուրույն աշխատանք կատարելու հմտություններ սովորեցնելը համարվում է դասավանդման առաջատար սկզբունքներից մեկը: Սովորողների ինքնուրույնության և գործունեության զարգացման հարցը կենտրոնական է: Կ.Դ. Ուշինսկին գրել է, որ «երեխաները պետք է ինքնուրույն աշխատեն, իսկ ուսուցիչը պետք է ղեկավարի այս անկախ աշխատանքը և նյութ տրամադրի նրանց»: Նա հիմնավորեց դասարանում սովորողների ինքնուրույն

աշխատանքի կազմակերպման որոշ ուղիներ ու միջոցներ՝ հաշվի առնելով ուսուցման տարիքային շրջանները: Իսկ ի՞նչ ծավալով և ի՞նչ բնույթի առաջադրանքներ են անհրաժեշտ առաջադրել ինքնուրույն կատարելու համար: Ըստ այդմ, առաջադրանքների ծավալը պլանավորելու համար, անհրաժեշտ է հաշվի առնել սովորողների աշխատանքի տեմպը: Ժամանակը ճիշտ կազմակերպելու

13

համար պետք է նախապես կատարել ինքնուրույն աշխատանքի համար պլանավորված առաջադրանքը: Այդ դեպքում առաջադրանքի կատարման համար ուսուցչի կողմից ծախսված ժամանակը անհրաժեշտ է բազմապատկել երեքով, հենց հատկապես այդքան քոպե է անհրաժեշտ առաջադրանքի կատարման համար: Առաջադրանքի կատարման ընթացքում ուսուցիչը կարող է հասկանալ, թե ինչ տարրեր կարող են արգելակել կամ արագացնել սովորողների աշխատանքը: Սովորողների ինքնուրույն ուսումնական գործունեության համար նախատեսված առաջադրանքների բնույթը անհրաժեշտ է աստիճանաբար բարձրացնել: Առաջադրանքները պետք է ընտրել այնպես, որ նպաստեն դրանց նկատմամբ հետաքրքրության զարգացմանը<sup>2</sup>: Սովորաբար աշակերտները ոչ միաժամանակ են ավարտում ինքնուրույն աշխատանքը: Ինքնուրույն աշխատանքների համար առաջադրանքներ ընտրելիս անհրաժեշտ է հաշվի առնել, որ գիտելիքների, կարողությունների և հմտությունների յուրացման գործընթացում սովորողներից պահանջում է տարբեր ժամանակահատված: Այդ պատճառով նպատակահարմար է նախապես պատրաստել առաջադրանքներ, լրացուցիչ առաջադրանքներ՝ արագ աշխատող աշակերտների համար: Դժվար է ընտրել այնպիսի առաջադրանքներ, որոնք համապատասխանում են բոլոր աշակերտների ներուժին: Առավել դժվար է ընտրել յուրաքանչյուր աշակերտի ներուժի համապատասխան առաջադրանքներ: Այդ պատճառով նպատակահարմար է առաջադրել տարբերակված առաջադրանքներ՝ հաշվի առնելով սովորողների առանձին խմբերի ներուժը: Եթե թույլ կարողություններ ունեցող աշակերտը դասից դաս անընդհատ դուրսին աշխատանք կատարի նույն պահանջով, ապա այդպես կարող ենք խորացնել նրա զարգացման հետ կապված խնդիրները: Այդ պատճառով այդպիսի սովորողների համար ճանաչողական առաջադրանքների ընտրության

ընթացքում ուսուցիչն իր առջև նպատակ է դնում սկզբում աշխատանքում ներառել պարզ առաջադրանքներ, ապա աստիճանաբար յուրացման համար ներմուծել առավել բարդ նյութեր: Ինքնուրույն աշխատանքի համար նախատեսված առաջադրանքները ցանկալի է, որ աշակերտներից պահանջեն կամային

2.Տե՛ս Նեմով Ռ.Ս. Հոգեբանություն, Գիրք 2, 1998, 608 էջ:

14

ջանքեր: Առաջադրանքների բովանդակությունը պետք է մատչելի լինի աշակերտին, հենված լինի երեխաների կենսափորձի վրա, բայց միևնույն ժամանակ գտնվի նրանց զարգացման մերձակա գոտում, պարունակի որոշակի դժվարություն, որը երեխան կարող է հաղթահարել: Անհրաժեշտ է սկսել տիպային առաջադրանքներից, մանրամասն բացատրել դրանց լուծման մեթոդները: Ընդ որում աշակերտներին պետք է առաջարկել գործողություններ կատարել ըստ օրինակի: Ինքնուրույն աշխատանք կատարելու կարողությունների զարգացմանը զուգահեռ կարևոր է երեխային սովորեցնել կատարել ինքնագնահատում և ինքնավերահսկողություն: Ուսուցչի կողմից դրված նպատակները նպաստում են ընդհանուր ուսումնական և հատուկ կարողությունների, մտածողության, էմոցիոնալ զարգացմանը, խոսքի զարգացմանը, երկխոսության, հաղորդակցման, ինքնավերահսկողության և ինքնագնահատման ձևավորմանը և զարգացմանը: Սկզբում երեխաները կարող են կառավարել իրենց միայն ուսուցչի կողմից ներկայացված պատրաստի մոդելների համաձայն: Վերահսկողությունը ուսումնական գործունեության մի մասն է, բայց դա տարբերվում է ուսումնական այլ գործողություններից թե՛ իր բնույթով, թե՛ ձևավորման ձևով: Ցանկացած դասի ժամանակ երեխան սովորում է ինչ-որ բան անել ուսումնասիրվող առարկայի հետ՝ վերափոխում է այն, մոդելավորում դրա էական հատկությունները և այլն: Միևնույն ժամանակ, երեխան սովորում է վերահսկել այս բոլոր օբյեկտիվ գործողությունները: Այլ կերպ ասած, կրթական գործունեության վերահսկիչ մասի ճակատագիրն էապես որոշում է դրա զարգացման ազդեցությունը, նրա կենտրոնացումը երեխայի ռեֆլեքսիվ զարգացման վրա:



Այսպիսով, խոսելով սովորողների ինքնագնահատման, ինքնավերահսկման կարողությունների և հնարավորությունների մասին, անհրաժեշտ է հաշվի առնել աշակերտների պատրաստվածության մակարդակը և անհատական առանձնահատկությունները: Դպրոցականների տարիքային առանձնահատկությունները բացատրում են խաղային առաջադրանքների օգտագործմամբ և դիդակտիկ խաղերի մրցակցության տարրերով: Սա

15

աշխուժացնում է ուսումնական գործունեությունը, մեծացնում է հետաքրքրությունը և զարգացնում հավատը սեփական ուժերի և կարողությունների նկատմամբ: Արդյունքում սովորողները սովորում են աշխատել կոլեկտիվ, և միևնույն ժամանակ յուրաքանչյուրն ինքնուրույն: Առաջարկվող տեխնիկան ուսուցչին թույլ կտա դասը կազմակերպել այնպես, որ երեխաները գործնականում վարժվեն գնահատելու և վերահսկելու ոչ միայն իրենց ընկերներին, այլև ձևավորեն ինքնագնահատման և ինքնավերահսկման հմտություն:

**5. Օգտագործված գրականության ցանկ:**

1. Էսիպով Բ.Պ., Սովորողների ինքնուրույն աշխատանքը դասին. - Մ., 1961:

2. . Նեմով Ռ.Ս. Հոգեբանություն, Գիրք 2, 1998:

3. . Հակոբյան Ն., Գևորգյան Ս. և ուրիշներ, Մանկավարժական հաղորդակցում, ուսումնամեթոդական ձեռնարկ, Երևան, 2010:

4. Կ. Թորոսյան, Կ. Չիբուխյան, 50 հարց ու պատասխան տարրական դասարանների ուսուցիչների համար: Մաս I, 2013թ.:

5. Կ. Թորոսյան, Կ. Չիբուխյան, Մ. Մանուկյան, Մեթոդական աշխատանքը դպրոցում, ձեռնարկ, 2014 թ.:



